



9. maj 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaaterparpunga.

Naalakkersuisunut apeqquteqaatit:

- 1. Naalakkersuisunit nassuaqquneqarpoq klassit agguarneri agquaqatigiisillugit amerlassusaat meeqqat atuarfiini tamani illoqarfikkaartumik kommunikaartumillu.**
- 2. Atuarfiit ilaanni – taamaassimassappat atuarfiit sorliit – ullumikkut klassini 18-nik amerlanerpaanik atuartoqarpat?**
- 3. Naalakkersuisut klassit agguarneri maannakkumiit 26-iusunit 18-inut appartissallugit pilersaaruteqarnerlutik?**
 - a. Namminersorlutik Oqartussanut kommuninullu aningasatigut allaffissornikkullu sunik kinguneqarsinnaappat klassenik 18-nik atuartulinnik pilersitsisoqaraluarpat?**
 - b. Ilinniartitsisunik qassnik ilasinissaq ilimagineqarpata Naalakkersuisunit klassit agguarneri nuna tamakkerlugu appartinneqassappata?**
 - c. Suut pitsaaqutaassanersut suullu ajoqutaassanersut Naalakkersuisut takusinnaavaat klassit agguarnerinik amerlassutsip annerpaamik atuartunut 18-inut appartinneratigut?**
- 4. Naalakkersuisut oqaluuserisamut soqtiginaatilinnik allanik paasissutissiisinnaanerlutik?**

(Inatsisartunut ilaasortaq Jørgen Rosbach, Demokraatit)

Tunngavilersuut

Ullumikkut meeqqat atuarfianni atugarisat meeqqanut aammalu ilinniartitsisunut pitsangorsarnissaat ukkatarineqaraluttuinnarpoq. Aaqqissutissatut taakkartorneqakkajuttut ilagaat klassit amerlassusissaata maannakkut 26-niit amerlanerpaamik klassimut ataatsimut 18-inut atuartoqarnissaanik appaanissaq. Isuma taanna ilinniartitsisunit, angajoqqaanit aammalu kattuffinnit tapersorsorneqarpoq, klassit amerlavallaartunik atuartoqartunit kingunerluutinik takusimasunit.

Pissutaasut pingaarutillit arlallit appaanissamik oqariartuuteqarput:

Atuartumut ataatsimut piffissaqarnerulerneq

Klassimi ikinnerusunik atuartoqartumi ilinniartitsisup atuartitsinini tulluussarsinnaanerulissavaa atuartup ataatsip pisariaqartitaanut pingaaartumik atuartunut atuarniarnikkut inuttulluunniit unamminartitsisunut. Taamaaliornerup akuutitsineq nukittorsassavaa atuanngitsoortarnerillu pinaveersaartissinnaallugit.

Klassemi atuarnermi pulalluarnerunissaq eqqisisimanerunerlu



Ilinniartitsisut angajoqqaallu amerlasuut tikkuarpaat, klassit amerlasuunik atuartullit eqqissimannginnermik akornusersuinermillu pilersitsisartut. Klassini ikinnerusunik atuartoqartuni eqqissisimanerusumik toqqissisimanerusumillu ilinniartitsisinnaaneq ajornannginnerusarpoq, atuartut tamarmik ukkatarinninnissamut periarfissinneqarlutik atuarnerminnullu ineriertuutigalugu.

Atugarissaarneruneq ilinniarnermilu atugarisat

Klassini atuartut ikinnerunerisa atuartut akornanni aamma atuartut ilinniartitsisullu akornanni attaveqarneq qaninnerulersissavaa. Inuttut atugarissaarnermut tarnikkullu sulinermi atugarisanut isumaqartorujussuuvoq meeqqanut aammalu inersimasunut.

Paasiuminarnerusumik atuartitsineq ilinniartitsisunut

Ilinniartitsisut ullumikkut suliamikkut annertuumik tatisimaneqarput. Atuartut ikilinerisigut pilersaarsiornissaq, assigiinngisitaarnerusumik atuartitsinerup malinnaaffiginissaa ajornannginnerulissaq. Taassuma malitsigisinsinnaaraa meeqqat atuarfianni ilinniartitsisut pigiinnarnissaat pissarsiariniarnerallu pingaartumik maani nunatsinni, ilinniartitsisutut ilinniarsimasut amigaataaqimmata.

Kalaallit nunaani pissutsinut ukkatarinninneruneq

Maani nunatsinni atuartorpassuit kalaallisut oqaatsit pingaarnertut oqaaserivaat aappaattullu danskit oqaasii oqaaseralugit. Tamanna piffissamik pisariaqartitsivoq aammalu perorsaanikkut tapersersuinermik, ajornakusoorsinnaasoq klassini amerlavallaanik atuartulinni. Klassip ikinnernik atuartullip atuartut oqaatsitigut kulturikkullu piginnaasaat oqaatsini taakkunani marlunni kivissinnaavai.

Nunani assigiinngitsuni misilitakkat

Nunat nunamilu immikkoortut arlallit, klasseni amerlassusissanik appaasimasut, ilinniarnikkut atugarissaarnikkullu pitsaasumik kinguneqarsimasut takusinnaavaat. Kalaallit Nunaata misilitakkat taakkua pitsaassutsimik pingaartitsinissamut amerlassutsimningarnik takusariaqaraluarpai.

Apeqquuteqaatima ullut suliffiusut qulit iluanni akineqarnissaat qilanaaraara.